



種番薯飼鳥鼠

「諄！哪會遮好空，這擺種的馬鈴薯，攏無予鳥鼠仔損蕩去？」茂伯仔聽著隔壁田的旺伯仔講話，就共予鳥鼠仔食甲賸一重皮的番薯掘出來予伊看，順繼應講：「煞毋知我刁工佇田邊種番薯，共遐的枵饒的鳥鼠飼飽矣。」這是我佇電視看著的報導——「種番薯飼鳥鼠」。伊會按呢做，到底有啥款的緣故咧？

原來這個茂伯仔，少年的時佇農會咧賣農藥。有一日，伊看著外國的研究報告，講農藥雖然會當防治病蟲害，毋過，煞會破壞塗肉恰四箍輾轉的生態環境。伊知影這款嚴重性了後，毋但苦勸人較莫濺藥仔咧，閣堅心做好耒頭，開始用有機的方式來種作。

拄做的前幾冬，予人破壞的塗肉猶未復原，收成誠穰。厝邊隔壁攏笑伊是戇癩頭。茂孺仔嘛因為按呢，不時恰伊冤家，甚至趁伊無注意，偷偷仔噴藥仔。毋過，茂伯仔猶是真堅持，伊講：「收成欲好，塗肉著愛有肥；欲有肥，著愛倚靠咱環境的生態，才會當共對抗病蟲害的好菌恰好蟲揣倒轉來。」毋過逐家攏誠懷疑，問伊講：「按呢戇戇仔等，是愛等偌久？」茂伯仔講：「逐塊地需要的時間攏無全，上無嘛愛等三冬，啊若水稻仔田欲轉做有機的，有的閣愛五、六冬以上。」

人講，堅持就會看著希望。閣加上茂伯仔伊種的愛心番薯，這馬的收成予伊真滿意。看著伊共一條一條予鳥鼠食賸的番薯薙起來，真得意共人講：「恁看，一條斤外重的番薯就會當飼幾隻鳥鼠，種番薯有影是一兼二顧，毋但我的紅菜頭嬌噹噹，隔壁的馬鈴薯嘛逐粒讚！」伊閣講：「菜市仔咧賣的紅菜頭攏生做差不多，我這號有機的有長有短、有肥有瘦，逐條攏有家己的生張恰個性。」坐佇田邊的茂孺仔，繼手削幾條仔分人客食，看著電視裡的人客呵咾甲會觸舌，講一點仔臭腥味都無，食著袂輸果子咧！予我真欣羨，嘛足想欲試食看覓。

感謝這個趣味的報導，予我對有機農業有閣較深的認捌。

作者：林淑期

☆詞彙學習☆

【枵饒】iau-sài：貪吃、嘴饒。

【濺】tsuānn：水或液體噴灑出來。

【癩頭】giàn-thâu：傻瓜。

【冤家】uan-ke：爭吵。

【懷疑】giâu-gî：猜疑。對人或事猜忌疑慮。

【生張】senn-tiunn/sinn-tiunn：體格、相貌。
與生俱來的外貌、個性。